

ad turpe tamen pecuniae lucrum profus tendentibus, talibus quidem, quales nec ars illiberalis patitur, multo minus medica, quae quamlibet artem antecellit ratione, qua omne opus perficere tenetur, hacque sincera et purissima; etiam materia in qua versatur, qua est corpus humanum, quod multa alia antecellit, non solum concinnitate structurae, verum etiam alimento, educatione et ratione. Qui omnia magis ad gratiam aegrorum, in exhibendis tam alimentis quam medicamentis facere conantur, quam illis utilibus prodesse: anteponebant igitur grata praeventibus, multis placere, et hinc imperitiam suam occultare hoc modo student et usque ad servitium et famulatum valde inhoneste et illiberaliter seipfos conferunt, loco medicorum, servos se praebentes, noctu diuque aegrotorum lectis incubantes, non pro emolumento, sed ut prompti illis appareant, et sic nomen medicorum impetrent.

§. 6. Vel imperitiam istam et ruditatem valde artificiose aliquando dissimulant, modo silentio, modo vero rationibus probabilibus,